



Progetu finantziau cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018

Sant'Elia

Candu Valentza fiat stètia spèrdia sa genti iat fraigau una bidda noa ca fiat stètia destrùida torra de sa musca macedda, intzandus is abitantis si funt partzius fundendu is duas biddas de Barrùmini e de Nuragus.

Un'òmini de Barùmini contàt ca iat pèrdiu su tallu suu ma dd'iat agau gràtzias a Sant'Elia in su sartu de Nuragus e po cussu motivu po annus meda is duas biddas dd'afestànt in paris e andànt in professoni de Nuragus a Barùmini.

Una diri nci fiat stètiu unu certu e Nuragus iat detzidiu de dd'afestai sceti in cussa bidda. De intzandus a Sant'Elia dd'ant sèmpiri afestau a Nuragus, e po mori de custu is Baruminesus fiant gelosus meda. Custus ùrtimus narànt ca su santu fiat cosa issoru, e tantu iant fatu ca ndi-dd'iant furau de Nuragus e dd'iant bitiu a Barùmini.

Su santu est abarrau in cussa bidda po unu pagu de tempus, ma una diri is Baruminesus funt andaus a ddu biri ma non dd'ant aciapau. Circhendu-circhendu dd'ant agatau in sa bidda de Nuragus.

Totus iant crètiu a su miràculu e pròpriu inni, innui iant agatau su santu dd'iant fraigau una crèsia.

Is muscas Maceddas

Me in sa crèsia de Valenza ddoi funt duas carradas cuadas asuta de terra, in una ddoi est oru e me in s'àtera ddoi funt muscas maceddas. Chi calincunu ndi bogat aforas sa carrada prena de oru diventat arricu, mentras chi ndi bogat cussa cun sa musca macedda su mundu si prenit de custa musca e si sperdit.

S'anticristu

A s'acabu de su mundu Sant'Elia, ca no at a essi ancora mortu, at a benni po cumbati cun s'anticristu c'at a nàsci de fèmina vîrgini.

Innantis de custu tempus depint benni seti annus de carestia, e, a s'acabu de custus seti annus, Sant'Elia e s'anticristu ant a gherrai. Sant'Elia at a binci e intzandus s'anticristu, non podendu binci cun is armas, e datu chi sa genti est morendu de fàmini, circat de ddus cumbinci a papai pani.

Ma Sant'Elia at a nai a sa genti de non ndi papai, poita is chi nd'ant a papai ant andai a s'inferru, mentras is chi non dd'ant a papai ant andai in paradisu.

Ant a essi medas is chi nd'ant a papai e ant a bandai in s'inferru mentras is chi non dd'ant ai papau ant a bandai in su paradisu.